

lein am Künraiff desto lenger mache/ wann man das Mundstück also höher gürt  
ten muß.

Das Zway vnd Zwayzigste Capitel.

Vom Canal darinnen die Zunge ligt.

**D**er Canal sol tieff vnd weit/ oder breit seyn/ damit die Zung  
ihren Gang geraumb darinnen haben könne / wann der Canal nicht  
tieff ist welches geschicht/ wann die Bühler nieder seyn/ vnd wann die  
Zung darzu dick ist/ so muß der Galgen an dem Mundstück desto höher  
seyn/ wann der Canal eng ist/ das geschicht wann die Bühler eng be-  
sammen stehen/ so muß man sich damit verhalten/ wie am vorgehenden Blat/ von  
den engen Bühlern vermeldet worden.

Das Drey vnd Zwayzigste Capitel.

Von der Zung.

**A.** **D**ie Zung solle nicht dick/ breit/ lang oder gar dünn seyn/ für  
die dicken oder breiten Zungen muß man Mundstück brauchen die dem  
Pferdt ein Frenheit geben/ darinnen die Zung ihren frenen Gang haben  
kan/ als da seyn von Num: 21. bis 48. (auffer 23. 24. 25. 28. vnd 30. welche  
wenig vnd nur so viel Frenheit der Zungen geben/ als zwischen der gedüpfelten Li-  
ni/ welche bey Num: 21. 23. 41. mit F. bezaichnet/ vnd den Mundstücken der lehre Blatz  
ist/ da das O. stehet) vnter diesen machen die jenigen (so Galgen haben/ welche sich  
nicht zuruck legen/ wie bey Num: 44. 45. 46. 47. 48. zu sehen) die Pferd mit dem  
Maul herzu/ vnd mit dem Kopff nieder gehen. Es ist aber ein Mittel so etwas  
violens/ vnd mit Gewalt sein Würckung thut/ weil es gar hart am Gaumen ist/  
Derowegen nur in eufferster Noth zu gebrauchen/ sonst wann man nicht/ neben  
dem daß man Frenheit der Zungen geben wil / das Pferd mit dem Maul herzu  
zaumen wil / so sol man sich der andern Galgen Mundstück so sich zu ruck legen/  
Num: 39 40. 41. 42. 43. daran man allerley Walzen nach Beschaffenheit des Pferdes  
Maul/ machen kan/ gebrauchen.

Nota.

Die geschloßnen Mundstück so zwaymal gebrochen seyn/ wie Num: 17. 18. R.  
bey D. E. vnd bey 22. 27. 30. 32. außweist/ die geben der Zung etwas mehr Frenheit/  
als die jenigen/ so gerad in der mitten/ wie Num: 1. 2. 12. 13. 15. 23. 34. 36. nur in der  
Mitten an einem Orth gebrochen seyn / eben also auch die offnen Galgen Mund-  
stück/ welche in der Mitten nur ainmal gebrochen seyn/ als 34. 36. 44. 45. 46. 48. B.  
geben